

儼塾集


儼塾集

一	一	一〇	二六二	和書門
冊	架	函	號	類

二〇五	二六二	和書
函	三	
三	一〇	
架	冊	號類

內閣文庫	
番號	和 26231
冊數	10 (4)
函號	205 229

詩集



儼塾集卷之四

記九

盥水軒記 少年時作

嘗聞玩花卉之芳菲。愛樹竹之蒼葱。而斷送一生者。古人之所尚也。或耕穫釣漁而樂平生者。亦隱士之所安也。是故漆園觀魚而忘彭澤。把菊而樂其旨深矣。我友原元智。少而俊邁。業於醫藥。潛居攝州芥川。常好瓶花。摸山林之景。造四時之象。其術也。聞諸風流客。自謂人曰。蒲草菡萏發。江湖之興。松竹檜杉聚。山徑之氣。花王芍藥。觀京洛之美。野梅幽菊。適隱逸。

淺草文庫

之趣。澆水則巫山夜雨蕭瑟。橫枝則陽臺曉雲霏微。咫尺之間。見無邊光景。復有何怪。可以代此哉。乃營小齋。名盥水軒。蓋取諸溫公獨樂園記之語也。或曰。郭橐駝知種樹。得養生術。今予以瓶花移之。醫療可乎。曰。瓶花之要。曲者使直。覆者使平。而得合乎中道。絕其根。剝其朶。且以其道。則如榮乎舊林。況疾病之於人。本無根蒂。由七情之所釀。六淫之所侵。苟以此術。正其邪僻。開其鬱結。芟其有餘。填其不足。雖沈痾痼疾。豈容不瘥哉。書以爲記。

木假山記

不出門庭而見烟霞。不倚樓臺而望山嶽。非有僊風道骨。可得也難矣。家君餘暇之日。取木根之穹窿盤曲者。植翠幹雜芳菲。以作假山。悅目和神。逸情養氣。超然興趣。不可勝言焉。無寒暑。無風雨。無勞心體坐。逍遙乎丘壑。噫。足作佳觀矣。謹記。

驅蟲散記

昔元和中。大猷公不豫。熱症甚盛。時侍醫以爲傷寒。治療之。數日無效。酷熱加深。心神昏悶。胸腹痞塞。水穀不入。喉殆七日。氣息奄奄。衆醫無如之何。天下諸候憂之。台德公大驚之。召和氣驢庵瑞壽。令診

脉以其歷世爲良醫也。瑞壽曰：是痘瘡將發，非傷寒也。藥治不適，致有如此。侍醫爭曰：是不必痘疹。瑞壽曰：我診三部脉候，爲痘不疑。諍論不已。公乃命瑞壽上藥，速進家傳驅虫散一貼，胸悶漸開，又進一貼，食氣始臻，啜粥二碗，至三更，痘甲悉出，逐日平復。公大賞之，增祿賜相州御馬本鄉二邑，自是醫名籍甚于天下。遠振清麻呂之舊名，新輝和氣氏之醫門。當時議者曰：嗚呼！驢庵造命之大功，猶勝良將開邦之勲業。驢庵，余先考之師，故謹錄焉。

靜座椅記

古之善修道者，存其心以養性，持其志無暴氣，豈以多方他岐到於此乎？知之之要在守靜澄慮爾。人性本善，只爲衆欲所移，而昏愚人質本直，唯因外物所奪，而邪慝無所移，無所奪，而見彼浩然之氣至大至剛，也不可以博聞強記，得之必安在，根元中正之道，而能應事接物，無所行而不可矣。聖人曰：靜而后能安，安而后能慮，慮而后能得。若學之則無過於舜，舜貴爲天子，不高富有四海，不大父頑，毋鬻，不怨，烈風雷雨不迷，舜之學豈在外哉？明理正道，自能行之者也。後世逐物趨末，故理不明，理不明，故道不正，理不明。

道不正而能行之者未之有也。人能勤之，不怠，聖其
不遠。夫靜之工夫，先儒或用之，或不用之者，何也？曰
偏主靜久，事業則流于虛誕。然諸家辨論，皆言道之
用爾。至道之體，則弗言語之所盡也。優游涵泳，默識
心通，非靜不可得矣。或恐彼學者有弃近踰遠之弊，
而不言靜者，亦有之。蓋靜坐鎮心之爲功，不可勝言。
苟修收心神，蓄積道義，習氣漸消，燦天理自長成，則
油油然而進，善欲罷不能，其法也。情熾則主一以克
之，氣惰則嚴肅以提之。丹由住心，湛如止水。故泰山
崩於前而色不變，驚鹿興於左而目不瞬，風霆無動

其耳。財色無轉其志，與天地共義，冥漠而不生。夫惟
不生，是以不灰，能勝外物，無所移轉。心術之妙，用其
如此矣。於是爲靜坐之器，庶幾乎存養之助。云。寬文
十二年五月二十日書

拜舜水先生祠堂記

夫慎終追遠者，忠信之厚也。祭如在者，誠敬之至也。
祭必得福者，感通之妙也。故古之聖賢，享祀盡敬。歲
時致哀，皆出於天理之性情，起於自然之道心，不得
己而然。所以昭昭乎人物之上也。舜水朱文恭先生
大明徵士，博雅君子，不得遂志，確乎嘉道，義如伯夷。

節似陶潛飄然來遊事我君我君遇之也厚貴之也至嗚呼先生譬諸龍可謂潛乎亂世見乎明時譬諸鳳可謂見險微而去覽德輝而集未滿二紀奄爾沒焉我君爲祠享祀敬之也厚哀之也至金石之誠宜矣受福儒臣并弘濟嘗被命受先生之學且暮函丈眷遇殊特以其恩義兼備家設神主事死如生敬禮厚而至矣茲平日親炙之徒坂矩辻隆野傳吉常岑宗淳及淺有定山久積山可澄同以清酌庶羞之奠茶饗祠堂時招不佞令受其胙不佞近仕公門唯聽德音不見生時之顏弘濟待我亦至矣

不得已而操筆以記事情云貞享二年二月初五日也

渭津記

阿州渭津之爲景也臨碧海倚疊嶂帶長川布平原吾恥之嶋東聳高越之巔西連賓送日月興出雲雨南設東照之神廟雕玉瑱以居楹裁金壁而飾墻泉飛巖秀翠屏如畫疑是天仙之所遊會也北有鳴門之急灘去城三十里逆湍暴浪風疾雷奔卽海若之所匿雖巫峽濫瀕豈過此險哉城下則江流滌迥灌注左右艤輕舟釣錦鱗橫中流歌歎乃蘭菊耐久

梅櫻發早。上都墨客驛人無不來盤旋焉。至若百穀垂穎。桑麻鋪荼。山多禽獸。海餘魚鹽。百品寶貨。至自浪華。千章良材。運自土州。可謂豐饒之境矣。且土風厚重。端正安徐。細民辦理。見隸知字。凡厥俗不麤暴。不桀驁。無有輕躁之氣。蓋南方風氣寬柔。以教君子居之乎。抑亦昔管領細川氏久鎮于此地。其流風善政之所遺乎。抑亦今刺史蜂須賀君奕世省外。修內阜民敦本之所致乎。自非藉大手筆形容其文物。亦難乎哉。寬文庚戌春。余泛船於浪華。西至渭津。眺望烟景。爲記。而還。延寶己未冬。再至彼。元祿戊辰夏。復

往遊。先所記有未盡者。於是改正。以顯其實。持來示關東諸友。廣其異聞。云爾。

重建氏殿神祠記

自古忠臣義士。殉節善死者。必建祠祭之。且暮致敬。使民有勇。且知方。歲時奉祀。教士見危致命。彼張許善死於唐。文謝殉節於宋。皆享廟食。非所以崇德設教乎。故伯耆守名和公源朝臣諱長年者。伯州名和莊人也。丁元弘之多難。迎後醍醐帝於船上。遂奉乘輿。恢復京師。其忠義不取古賢將。竹帛所垂。可以

概見焉。不幸而遇延元之變，力戰沒于敵中。嗚呼！雖壞形骸於一時，而傳名節於百世，凜然士氣，誠可令懦夫知立志矣。今名和莊氏殿神祠，此其靈也。近年大守羽林池田君，擇地移祠，墾田附之。臣大窪友尚奉其事，且竭力於興造，祠乃成。像乃設，是祭是饗，其詳見于福住道祐所錄。友尚請尚謙為記。我水戶相公篤崇。

南朝與名和公同志，於千載之後尚謙事，其家豈敢所辭乎。又從而為辭曰：船上迎。

駕佐命忠臣，大宮力戰取義成仁，凌霜氣節貫日精。

神氏殿舊址，威德惟新。

儼塾記

夫先王之經世教，以入倫而教之要，莫先乎講學。苟非講學，民無知方，其義大哉。我公法古崇德，好學施仁，嘗於水戶城於江戶邸，各命儒臣講經開導，士庶乙亥歲水戶教授有闕，乃命尚謙教授。丁丑春，賜宅於水戶城西，乃命營講堂於宅椽之橐橐。二月而成，南北其戶，噲噲其正，得講於斯，聚於斯，優繇於斯，好學之徒，與其感戴喜懼交併而已。且以高燥之水，乃命鑿井，再旬功畢，泉冽而其聲石如磨，仰浴溥博。

淵泉之化。俯顧舊迹。日新之訓。於是導衆以王靜。本于周子之語。揭壁以朱子學規。欲廣爲己之學也。而宅中有射場。是弓隊長肥田行正所嘗造。僕雖不能射。不敢廢之。欲存我公備武之實。勵士人精練之志也。而堂前後樹竹叢茂。花卉敷榮。不敢剪其枝柯。夫詞藻雖爲末伎。而欲使文士感興咏嘆。叙暢性情也。都糞因講習討論之功。知古所謂明善修身之方。齊家治邦之本。克孝克弟。克忠克信。而延單凡百有司之儀節。弓馬劍槍之術藝。皆歸趣合道共裨益善治。塾成之日。偶得舜水先生手書儼若思二字。西

山大君廼命爲塾名。恒稱略呼儼塾。恭奉命名。寔喜寔恐。寔慙寔欽。他日會此衆士。與其學業成功。所行得合。此名可謝萬一者歟。是所大望也。

雲澤茶入記

夫茶入者。雖藏抹茶之小壺。而貴介公子之所玩賞也。可興雅會。可極風致。尚謙家所貯茶入。高二寸九分。有奇。半腹圍二寸八分。相傳古瀨戶肩衝者也。舊名村雲。先考空菴性壽居士改名雲澤。以其景象如雲。又似澤也。元祿己巳秋。源義公一覽。稱爲奇貨。乃戲尚謙曰。汝依此器以開雅宴。進一服佳茗。可謂

數奇者矣。尚謙不才。終不能應其命。遺憾何啻千萬。方今追憶塵俗之間。難保延久。不如寄納於緝宇。可供佳茗於永世。且其器亦見稱于後昆。豈非快事乎。嘗為茶人所設。錦囊一綉。囊一先妣知性森田氏所手自縫制者。今併雲澤藏于久昌寺庫裏。於是謹記行德劍記。

貞享二年春。源義公命大村加卜治劍於常州利貞邑鏡德寺。加上齋戒而造之。用十五枚甲伏之法。寺僧宥淨日修護摩。禳之。於是鍛鍊精巧。凜若冰霜。奇氣純靈。龜文縵理。而其中一劍。傳在風詠堂主藤

田後凋子之家。試刃四度。忽若筆掃塵塗。後凋子恒好學嗜劍術。乃名劍以行德。取諸劍銘。動必行德之語。請余為記。余曰。夫劍非唯折衝伐敵。可以正心修身。齊家治邦而已。傍人問曰。劍之用。止於擊刺。子以擬大學之教。其有所據乎。余答曰。韓子曰。利劍光耿耿。佩之。令我無邪心。是正其心也。楊子曰。劍可以愛身。是修其身也。吳孫權曰。劍所以討不庭。禁暴亂者。是謂齊家治邦也。昔有人觀聖像。帶劍。感歎曰。不如是則教道不立。善哉言也。夫舜罰四兇。禹征有苗。湯征自葛。西伯戡黎。聖人以武撥亂。及正以文治世。安

民古所謂文武並用長久之道矣。我本朝自上至下無不帶劍而知恥重義。蓋古之道也。秦皇銷兵而世大亂。梁主忘武而邦竟亡。今刀劍者武器之長也。因其器以體其德。則文亦在茲焉。

畫龍記

野中三五郎源友重。世住于遠州敷智郡堀江邑。寬永季年。公府畫工狩野王膳者。病而辭職。遊上都路。歷堀江。寓于友重宅。偶過近村前之坂。弟子狩野源兵衛告友重曰。吾師於畫有一奇事。君試請之。友重喜。乃請之。王膳辭曰。我奇畫者龍也。每畫之。雷雨

必臻。故祕不畫。友重固請。遂畫之。時六月十九日未時。以連日大旱。無些涼氣。及王膳下筆。忽巽方有黑雲。大如扇子。須臾天陰。雷電霹靂。暴雨洑至。里民恐懼。皆閉門戶。半時許。而天晴。前之坂。近邑無一點雨。下於是。初信其每畫龍必致此異。友重寶其畫。傳于家。後仕于水戶侯。今致仕。號榮傳。請余爲記。有日。今茲寶永元年甲申六月。久不用。民望雲霓。於是應其需。

論曰。昔者張僧繇畫龍。點其睛。則雷電破壁。畫已失矣。顧愷之畫龍。不敢點睛。後人強其點睛。龍竟飛去。

吳道子畫殿內五龍鱗甲飛動每欲大雨卽生煙霧
其他畫馬畫鼠畫魚畫鳥畫獅子畫水火有靈恠亦
多矣我邦古之能畫狩野氏之祖先等眞逼造化
妙致變異不可勝計所謂精專則動物言其妙耳易
曰神者妙萬物者也夫畫工之妙得神於小伎猶且
如此況聖人之妙得神於大道天地位焉萬物育焉
過則化存則神豈可誣哉人之存心於道妙通神者
優躋聖域必矣

鬼面石記

前左兵衛尉安藤氏家有寶石名鬼面石以似鬼面

也良純親王爲之記體制高雅一日請余題字更無
片語可加焉唯說鬼道云鬼無形之人人有形之鬼
是先賢之格言也程子所謂人鬼一而二二而一可
以併鑑焉夫人鬼者陰陽晝夜之道也大極之地森
然而備一闔一闢相爲消長又作對待其理一本矣
故人道所宜鬼亦宜之人道所不宜鬼亦不宜之聖
賢之教盡天理之所宜故云與天地合其德與鬼神
合其吉凶庸人昏愚日用而不知心之所向就美
就煖就安就榮不顧其後不慮其變是不適人道所
以不適鬼道也古云高明之家鬼瞰其室善哉言也

楚章華臺秦阿房殿漢長楊宮隋江都樓奢侈華麗
大勞民力竟作丘墟今何在哉昔漢文帝重民十家
產不造露臺唐太宗欲營一殿鑑秦而止可謂守儉
而不由覆轍者矣凡驕奢淫泆流連荒亡非禮非度
好利奸名皆鬼之所惡人亦厭之留害踵至是違天
理故耳夫用鬼者不明甚矣襲鬼者不智大矣今爭
言鬼之有無者爲鬼所忌譬如有富家倉庫盈滿一
人不信其富言無有資財其家必不喜一人甚稱其
富親近數寶貨其家必惡之故聖人言敬鬼神而遠
之敬者不罔之者也遠者不藝之者也幽冥異境人鬼

異類雖其理一而分各殊哲人默識心通不漫語之
微乎深乎凡愚疑於目之所不見然則往古之事千
萬里外謂無之乎又惑於智之所不及豈時時刻刻
必卜吉凶應時接物皆禱祀求福乎若能從聖人之
明教盡天理之當然則人鬼之道全矣

神託靈異記

野州日光山下瀧尾神社傍有大杉三株相傳神
靈所栖因名二本杉觀者莫不仰敬焉寬文七年
丁未四月二十日大猷公十七回忌也修法華
萬部會於日光山下台徒群集法會第九日山門

鷄頭院山舜法印之奴。至于瀧尾。視二本杉。輕慢不敬。笑曰。此杉不高大。異于舊聞。而中杉殊小。矮於唐崎松。其言未訖。背後寒戰。毛豎。歸旅舍。顛僵。失心謔語。卒然膨脹。赤如丹。絕食飲。臥言神來。睨我。其奴同輩請台山靜光院覺深法印。院後住雜足兼二會探題職任權僧止復移任正覺院。加持兼居談空學社進拜正僧止更名豪覺。於是深師種種加持。誦咒讀經。又屢示教諭。誨經五日。而靈遂退散。其間奇狀多多。神語有徵。人咸驚歎。靈之去時。謂曰。我是女體中宮。與山王聖真子同體也。奴來瀧尾。不敬不信。徒然而立。惡口重

脊。故我為懲之耳。我護台宗。自今護師矣。東叡山檀那院。胤海僧正。需深師記其始末。師乃造瀧尾靈託記一卷。記事甚詳。今讀者凜然畏敬焉。此歲秋。師修求聞持法。第三日。忽見壇上一大杉橫卧。其上有女直立。容貌極尊嚴。垂髮著白衫紅袴。乃知瀧尾神來護。不背約。從是心清體健。大法畢功。他日靈託奇事達。

天聽。敕奏其記。

叡感之餘。納記於官庫。

謹論曰。夫我大日本神之州也。昔者神威之化

昭昭赫赫舉世視神如人事之亦如人讀日本紀
可知焉爾後朝廷問邦家之樞要於宇佐大神
稱其使曰宇佐使其敬篤故神救惟新下至庶人
信敬神祇莫不用誠天下和平是我邦之風也
易云聖人以神道設教而天下服矣我邦有焉
雖世澆漓而神德巍巍如吉備津宮之釜鳴動示
臧否談岑之像破裂告擾亂人之所不能欺也凡
大小神祇二千七百餘座其昭著功效不可盡誌
焉以清淨法薦之則神歆之不淨則不歆其不可
誣也明矣今瀧尾神一依憑而懲昏愚之慢神不

敬者其教嚴哉深師之祈禳也即是通虛靈不昧
之心德行寂然不動之淨法豈不感通乎世有纒
讀書罔鬼神者唯執先儒所謂鬼神造化之迹二
氣之良能等語不信神靈感應之妙取理捨事向
虛背實噫危哉邦多祠廟則名以淫祠有奇異則
爲巫祝尼媪之事而齶獸肉吹葷蒜以行不潔非
唯汚教化身復受陰譴不亦悲乎史館儒士三宅
氏跋其記贊助威靈余亦論述云

投壘茶久記

柳軒藤田子端正好事之士也致仕之後精于點茶

之式家有茶入誤毀損藤田子修續如故而深愛之
名曰投壘余問曰是非寶器尤物何愛之偏乎且名
義奈何答曰茶家者流以茶入之止小而下豐滿俗
云茄子者比之王者蓋人君小心節儉而下民殷富
之義乎又以茶入之上肩廉隅而貌亭直俗云肩衝
者比之將軍蓋將家廉正直立以泄衆之義乎其餘
雜形各亦當有所比矣今我茶入之形彼所謂比王
者之器也豈以毀損廢之乎投壘之名太平御覽云
漢王莽就元后求壘乃出壘投地壘上螭一角缺後
復還光武今假此古事以命名得之澹泊齋安積子

我補綴毀物爲寶亦有意思不換世所謂投頭巾余
聞此言私自感歎假使王道衰變霸術盛行志士仁
人豈一日忘王哉黍離之詩麥秀之歌誦之不感起
者非人心也昔者乾綱解紐姦雄馳驅當此時也忠
臣楠公名和菊池並以百一之土壤對天下之強敵
竭方勤王始終無渝精忠不恥千古其誠心薰徹兆
民至後世莫不知尊王之道宜乎二千餘載之
皇緒巍巍蕩蕩于今仰止吁大矣哉且夫以小物比
王者不無謂也牡丹富貴稱之花王梓之良材稱之
木玉補養湯藥稱之王道之劑例可觀焉藤田子志

在尊王道不可無語因以為記

序十

逸龜井玄卜歸紀陽序

醫生龜井玄卜者。余外兄也。今茲春自紀州若山來。問家大人安否。一宵清談忘十歲之契。澗然淹滯不日。說別恩恩未盡心曲。惆悵惟深。兄鄉有老母。已垂八旬。有一妹不幸而寡居。兄孝弟之心。无懈三日。去家。食不知味。坐不安居。江府諸兄舊族。知兄有器用。欲其一登龍門之級。而兄不求榮利。恒慕黃香扇枕之勞。學老萊班衣之戲。是故不趣行裝。閱歲月久矣。

若山良友親戚亦善遇焉。其獲於鄉閭可知矣。家大人以骨肉之故。傳來妙方。悉授與之。感其孝弟之志也。小子亦不勝感激。聊贈之以言。兄收於懷。莫忘是所望也。夫古之聖賢。無不主一。無適者。故曾子一唯。忠恕而已矣。仲由有聞不能行。只恐有聞。司馬公一生作行。只誠而已。范純仁亦所用不過一恕字。古之守約。豈事他岐他方哉。凡天下國家之政。非主一則不治。百工農商之業。非守一則不成。故易曰。一致而百慮。同歸而殊途。言理一而分殊也。且夫主一則不二本。故應萬事無憊。以是事親親安。治家家齊。守身

身修業醫醫精兄壘之無懈及于古矣臨別敘情如此不敢須煩也

送稻津左兵衛之水戶序

古之人送行必以言。余之蠢愚不能以言。然而所傳聞不昔告。非交友之情也。足下以禮職事吾君。可嘉。可尚。循恭儉莊敬之道。修教訓正俗之學。憲章王制而效法。類聚古典而述篇。至於扇揚淳風。贊成教化。可謂邦之寶而民之賴矣。所關大哉。夫東土俗異于西土。猶北方強異于南方也。足下生于洛陽。資質中正。達殊方之政。猶其可受和也。若固執辦楚夏之

差不襲水土。猶方枘入圓鑿也。則背不爭之誠。違素行之義。禮曰。君子行禮不求變俗。如其邦之故。謹脩其法而審行之。今也慎言自省。篤敬能讓。何之而不行哉。又修禮者不可苟且容易。曾子曰。君子之愛人也以德。細人之愛人也以姑息。夫欲速求利而無悔者。未之有也。恭惟我相公欲採舊式於遺書。傳禮文於後昆。足下受任不輕。其厚欽以奉事。義理以養內。自徠多福。可期而已。

送坂塲尚運序

醫之爲術。治人疾病耳。而其所學廣博。不比他伎。何

曰廣博。今舉其要。臟腑經絡。脉候氣運。藥性方治。苟欲窮一。至終身不可得盡也。其書數百家。其事千萬品。況病所變化。無有邊際。自非天下之聰明。不得窮盡也。如由基之善射。白公之妙劍。伎止運用。手臂豈類醫之衆緒多端哉。吾曹庸猥。居廣博之業。嗚呼。何時有所得。雖然古謂業精于勤。荒于嬉。若勤不已。其精至矣。勉勵無怠。內省不疚。必有自遠方來求者。所謂桃李不言。下自成蹊。稱德也。德積乎中。門致車轍。君子有之。屬日愚過深井。觀杜鵑花滿園。炫耀地雖僻。遠觀者如堵。以花起羣也。異吾子似此花。夫甲斐

德本古河三喜伊賀壽伯皆近代良士也人不遠千里行求治療可以鑑焉吾子遊我門七年出卜居常州南郊不可不贈以言他日修業踰我是所望也

送安東竹間子還柳川序

筑紫之爲土也。日域之西徼而跨海則唐山也。彼齊魯之儒風傳來不遠。學者以興。不亦宜乎。安東省菴太爺筑後州之儒宗也。雖居柳川城下而名。扶桑域中嘗延招明故徵士舜水朱先生受其學。且奉養焉。美譽及殊方。我寡君所敬。誠可尚焉。僕瞻仰久矣。恒以不得相見爲憾。去歲初見。令子竹間大兄於

江戶真是驥子鳳雛。俾頽惰有所立。可謂能播獲其所蓄者也。達我素望。伸我積思。喜歡不可勝言。今春僕徙居水戶。夏初大兄還柳川。嗚呼。既隔胡越。又阻參商。離懷罔極。情緒靡止。僕之去日。投惠以序。炳於錦繡。貴於金縷。獲承稱揚。赧顏縮息。頃間寡君造教授廳於宅中。僕謏劣。豈敢當之。唯本敦學半之典。依友輔仁之訓而已。偶得舜水先生手書。儼若思三大字。揭之塾壁。敬俾真容。因望大爺在茲。思大兄亦在茲。可知矣。雖鄙語淺短。不足備君子之觀。苟布陳情實代。彼出餞請還報于大爺。榮幸也。

送執政笈氏赴江戶序

實永甲申仲冬。既望。承執政笈台兄見訪。儼然聞近將赴江戶。邸謹送以言云。夫治邦齊家之要。以修身為本。其要在正心誠意。何以能之。所謂致知格物而已。其道如何。曰在上者盡通下之情。在下者盡達上之心。秉政務者。盡得其宜。令安衆心。掌法令者。盡除其弊。令歸誠實。其如是則萬事莫不治焉。庶績莫不熙焉。宋儒云。一帝三王之道。本於心。此之謂也。夫心者根也。事者枝葉也。根安則枝葉自茂盛。兵書亦云。務攬英雄之心。夫英雄心和則無不成矣。至于澆季。

浮華相高。上下不通。和尊卑相隔離。故有仁聲仁聞。而民不蒙其澤。有徒善徒法。而邦無得其益。是皆不盡致知格物之教。不精實理。故不能及古矣。如藝之元就。越之輝虎。甲之晴信。相之氏康。尾之信長。雖霸術未合王道。而能察士心。其所欲與之。其所嫌去之。故大服人心。功名赫然。四方畏之。况乎能行王道。其功溥博悠久。不可比喻焉。此義也。真氏大學衍義具矣。閑暇之日。宜熟覽者也。台兄重厚簡默。於道有所省悟。豈不告以格物之旨哉。宋太祖之相范質曰。執政之地。生殺慘舒。所係苟不能蚤夜兢慎。悉心精慮。

敗事覆餗。憂患畢至。加之道有枉直。時有險夷。居其位者。今古所難。是等之言。宜加鑑察。平常受用。邦家之福。不可言爾。

題序十一

女誠後序

自古男兒有師傅以教焉。故有成。知立行。至於有過。則無不格。其非矣。吾曹生為男子。讀書受教。不亦幸乎。若夫幽閨女子。雖欲隨師學道。不亦難乎。有母育之。未盡教誨。有姆訓之。不能委曲。有才而不揚。不肖而見棄。舅姑或嚴恪。娣姒動毀譽。或有區區念慮。良

首畏尾鬱結不伸。痞悶致疾者。或有不能聞道。習於
淫奔。長於嫉妬。其極至於破家危邦者。嗚呼痛哉。今
通魯論孝經列女傳諸書。知檢身治家之法。則上可
以奉父母舅姑。下可以養兒女婢妾。吉祥莫大於此
焉。若彼工文藻。巧辨說。多損而少益。貞婦所深恥也。
女子之職。無他。唯在孝順之行。衣食之奉。及養兒孫
之道耳。而闡外之事。非所與聞矣。如曰季之妻。文伯
之親。孟子之母。程子之妣。可謂盡女道矣。東漢之曹
大家。爲之憂。而作女誡一篇。凡婦人之欲學者。捨之
何求哉。予暇日。加和訓。以便見讀。冀令孝婦。口誦心

得身行。以有裨治家之術。云爾

神武剛應錄序

古曰。兵者不祥之器。天道惡之。不得已而用之。是
天道也。又曰。兵猶火也。弗戢將自焚也。穰苴曰。邦
雖大好戰必亡。天下雖安。忘戰必危。仲尼曰。有文
事者。必有武備。有武備者。必有文事。夫武之不可
親也如此。不可廢也如此。然除殘伐暴。誅亂攘夷
者。莫善於武。故天下既平。一時蒐獮。邦國既安。振
旅治兵。聖人之講武如此。夫兵者大事也。國之存
亡。世之盛衰。一係於此。豈可忽之哉。本朝古無

兵家之名。

清和天皇朝六孫王經基精于兵法始傳于士之家。然世殊時異古之法例故實後代莫得聞知爾來言兵之士最多。而或取敗亡。或失功名。蓋泥跡執一之弊也。學兵者當取其律於扶桑之法。得其文於中華之書。而揀其粹達事變也。皇都自邇齋山脇重顯氏少潛心於兵道。凡兵道要領綱旨悉兼得之。不佞志於此道久矣。自得其傳授。夙興夜寐。覃思研精。頗記其法十之八九。書已成。凡十卷。曰神武剛應錄。古昔聖賢貴武之義。中古名將勤

兵之道。粲然可觀矣。而行之之要在人。君篤信力行耳。豈待求於外乎。

春秋左氏傳後序

古昔脩春秋者。先以左氏爲要。程朱之言皆然。且漢劉歆曰。左丘明好惡與聖人同。親見孔子。而公羊穀梁在七十後。傳聞之與親見之。其詳略不同。歆以難向。向不能非間也。予自蚤歲好春秋久矣。其道理宗胡文定。其事實本左丘氏。然不得左氏。康侯無以發論。今讀此書者。非沈潛反覆。至韋編三易。難乎其大幹也。且此書也在武林。不可不讀之大典也。其

記軍事所謂前軍中軍左右後軍書次第甚詳明而
書某人爲其軍之左某人爲右復加委細馬班之史
雖書戰如畫歷代諸史雖載事詳悉未見如左氏書
前後左右著明無遺者左氏於兵道至矣盡矣後世
無以加焉宜乎杜預之成癖遂伐江南大有功矣左
氏記軍雖人皆所閱而知其妙者鮮矣故舉之以告
崇武之人云爾

秋日會宴詩序

秋之爲景也清爽令人快慘淡令人悲明朗令人潔
蕭條令人寂圓月揚輝冷風橫金朱葉粧山黃菊滿

薜蘿蘭秀園蘆秋茂江鹿鳴食苹猿叫緣樹鴻鴈聚
洲蟋蟀吟戶巖然物色奚下於春世之以文鳴者誰
不咨嗟咏嘆乎哉故先哲之高致記秋水詠秋月歌
秋風賦秋聲感時起興嗚呼宜哉幕下石尾介然
大兄餘暇之日招一二良朋麤數設詩筵賦詠彼秋
景於是卽興及探題數首揮毫乃成不佞侍席末應
其需序卷初云

跋愛菊辨

牛山之木濯濯然者非以斧斤斫之牛羊食之乎澗
園吏著馬蹄篇柳柳州作郭橐駝傳亦惡戕賊其性

余愛種菊。曾惡世人翦其枝少其英。求備美於一莖。非愛之。卻害之。故庭際所植。縱其蔓延。偶得此辨。尤懼素意。恰似搔痒。加以安積子評語。彌增嘉歎。於是乎書。

御藥園唱酬集序

朝川因摩詰而名著焉。愚溪得子厚而美稱焉。非得其人。則雖勝地而無聞知焉。若袁公之月渚。蘇子之柳堤。亦以人獲名者也。里巷館舍。山溪園池。或名或否。皆存乎人而已。江戸城北藥園。方若于里。其園其沼。可以稱靈焉。菊所木下先生承。台命掌其事。檢

草木製藥品。先生才富學厚。非唯從事於採摘修治之間。迺又暢情於賦咏贊述之中。嘗招一時雄才碩儒。題詩酬和。及數百篇。卷稱名之曰御藥園唱酬集。每對文墨者。必假而觀之。可以傳不朽之盛事。可以聞大平之頌聲。凡先生所題所和。其數侔於衆賓。且自製先韻長篇。多於老杜之作。數聯也。而學士已下。諸大家。至上都之名儒。遠邦之俊士。序之題之。咏之賡之。其盛近世所稀見也。夫藥園傳芳於後世。先生之功大哉。爲公著美。不私于名。比彼因所寓有遺名者。蓋可謂優矣。元祿初年。已降。僕屢訊先生。見其卷

軸月積歲累十年春移水戶先生贈以言云必序之
僕不遑固筭嗚呼藥園其境神秀其物嘉美萬夫之
所具瞻不俟小人之揚贊先生其詞高雅其筆道健
不待下士之褒歎雖然僕親戚福住道祐往時蒙慈
渥不可諉也亦奈何此垂意甚備不得遂辭自忘瑣
弱漫序如此

讀羅山集有感詩序

並詩

羅山林學士命世之才當元和寬永之盛運大興
學於本朝至今稱焉其學也祖四書六經宗濂洛
關閩志在先王之政典力排異端之玄塞域中有宋

儒之學者先生之功也雖初於惺窩而非先生不能
大顯著矣其說幕府以聖王之道嘗於駿河政事
錄觀焉頃間讀遺文益知治世安民之志非唯以文
詞而已至若悼左道之惑世誣民歎衣服之士庶無
別譏茶器之高價傷財刺醫科之昏庸不學哀歌舞
妓之誨淫亂風俗惡瞽者山伏之各私設法令其憂
後世憤弊政誰敢不嘉尚哉且直言無諱可謂百世
之師矣余後生不得面見深以為憾於是裁韻語以
效贊辭發于不得已也其詩曰
家塾秋晚惜居諸羅山遺文興起余器用應須比鼎

鼎采詞豈止賞瓊琚胸藏萬卷宗聖典手括千古入
吾廬活水有源來滾滾道脉派流遠濡如只稱博洽
非識者大弘程朱是權輿衆伎百家皆覩破異端雜
說悉蠲除本朝舊史經校定至今汗青遍州閭忠
讜勸君多裨益號令下民恐簡書替古積久遇清
代屢論釐務無人沮聞說長沙屈賈誼可憐江都遷
仲舒歎彼不幸嘉此幸明主寵光終用譽石渠文
備助漢盛東井星聚興宋初天人爵貴壽亦保子孫
業成榮有餘走卒兒童知姓字殊方異域想襟裾先
生沒時我髻齒無緣言面徒欷歔於戲後生盍瞻仰

欲寫馨德奈粗疎

周易觀象傍訓自序

夫易何爲而作也開物成務曷天下之道如斯而已
蓋上世淳朴民無機巧無心而感通有疑則質諸鬼
神故聖人作易示人卜筮能通志定業斷疑焉二帝
三王之世繼用替疑尚書及春秋傳屢言卜筮可觀
焉夫惟四聖之後易道隱晦於是程子作傳發揮義
理大助世教而於古有欠自朱子作本義彖又十翼
渙然冰解胡雲峰演繹之本義之蘊炳焉夫易无體
故其辭奇所謂非天下之至精其孰能與於此故非

曲暢旁通難探其蹟若夫拘泥確定不足與言是故
東宮穆姜占得元亨利貞之辭隨卦自知婦人非所
應南蒯子仲得黃裳元吉之爻坤六不知無德之取
敗京房欲去恭顯而卒被困是往不勝為咎夬初回
紇逢郭子儀而喜兆有驗是為利見大人乾九當知
婦人或智士夫或愚明者或昧醜虜或信傳云孔夫
子自筮得賁自今觀之其所謂察時變與化成天下
傳賁象仲尼之行當之也朱子筮遇遯乃燒諫疏其所
謂遠小人不惡而嚴遯象其時當然也由是推之文
王之利艱貞明夷卦辭勞謙君子有終也謙九玄宗之初

吉終亂既濟卦辭失戒於泰將否也泰九蜀相之謀匪躬
蹇六不利東北其如何也蹇卦賊莽之戰于野坤上
由履霜堅冰之漸也坤初嗚呼卦爻之德觀往如斯
知來亦當如斯歟夫吉凶禍福進退存亡乃陰陽晝
夜之道天命之必然者也君子獨明見之無疑所謂
窮理盡性以至於命矣其豫也作樂崇德豫卦其困
也致命遂志困卦皆中于時耳不達于此則志亂入
左道夫乾坤之道在誠敬知之者必能恐懼修省其
恐懼修省則震來致福震初恃位正當則夬履貞厲
履九是所謂危者使平易者使頽百物不廢懼以終

始也。蓋惟太極已象數具矣。相摩相盪。易乃成矣。君子居則觀其象而玩其辭。動則觀其變而玩其占。愚竊採諸儒辨象之說。作傍訓。以爲一家之書。庶且夕資之。以至无大過矣。欲究精蘊。有本義在。可學焉。元祿己卯冬至之日。儼塾森尚謙謹序。

五倫大旨序

天地之間。重者有五。曰父子。曰君臣。曰夫婦。曰兄弟。曰朋友。此五倫能修則致太平。不修則致戢焉。我世子好學尊道。於是保傳之人。使臣尚謙書。君臣父子之大意。上之。臣頃閱惺窩藤夫子文集。獲假字所著。


警策數件。闡五倫之教。明嫡庶之分。而終以隱居之靜閑。卽示曾點之見解。蓋是當時應大家之靈所書也。舊無題號。今名爲五倫大旨。謹贍寫以奉獻之。伏願朝定夕省之餘。熟看此書。邦家之大幸。大福在茲而已。元祿十五壬午三月九日。森尚謙再拜書。

竹間集序

古曰。夫孝者善繼人之志。善述人之事者也。世以一藝一術。繼箕裘之業者。不爲少。唯於學問之道。繼于父者。最所稀也。竹間安東子考曰。省菴柳川之儒宗也。文名振乎筑紫。嘗見明故徵君舜水朱先生執師。

資之禮。厚被眷遇。因馳美譽於域中。其詳出吾友安
積覺所著省菴集序。竹間子率性負實。敏秀雅達。少
而屬文。夙通經史。博該羣籍。及事太守。敬信有餘。其
文詞也。清亮絕俗。不涉浮率。健句偉辭。爛然有第。可
謂善繼述父業者矣。壬午之冬。奄忽而沒。嗚呼強仕
之質。何早辭世。將脩短有數乎。抑天命靡常乎。蓋亦
上清紫微有所招乎。尚謙曾在江都。相見于太守邸。
自喜以爲獲益友。時時聞其語。多年患痞。無奈之何。
我心有不樂。昔柳柳州病痞。其命早殞。每思此事。網
繆鬱結久矣。竹間子之岳父山崎翁。輯遺文若干卷。

鏤梓行世。欲遺芳於百世。其意可嘉尚焉。初朱先生
之於省菴。特許以知己。而竹間子能繼父之業。文名
駢馳。可謂有此父有此子矣。感先生知人之明。喜此
子繼父之孝。誰敢間然哉。今應山崎翁之靈。自忘孤
陋。漫敘卷首云爾。



石室集卷之四

Faint vertical text within a rectangular border, likely bleed-through from the reverse side of the page.



